

# 羅三七擺獎晒命 網民：你就自由「手足」食豉油



有時都要「佩服」前「香港眾志」羅三七(羅冠聰)，話說自從他撤低「手足」火速閃到外國後，不時整色整水又話斷六親、又呻「失落」「恐懼」賣慘，跟住又靠把口「指指點點」。當大家都真係以為佢好慘時，其實佢喺外國不知幾風光，日前仲代表喺「手足」擺獎同受訪談。「手足」終於見到所謂「齊上齊落」嘅人其實同人唔同命，就開羅三七根本為咗自己，佢就自由，「手足」就食豉油。

都話精人出口，笨人出手。呢邊喺「手足」仲因為犯咗法而擔驚受怕或處心積慮計劃逃跑，聰明嘅羅三七早就先行一步，仲靠把口賺晒鎊光燈，仲喺日前代表咗所謂「香港民主運動」領取美國「自由之家」嘅年度獎項。

佢唔單只致咗辭，仲要高調接受訪問。佢聲言自己係「代表港人」，仲發表自己對「自由」嘅高見，話「自由」係「個人能否發揮社會賦予應有的職能，幫助弱勢群體解決問題」。

羅三七究竟幫咗香港人、幫「手足」解決咗乜

問題，估計得佢知啦！反正見到呢啲，啲網民都覺有眼睷。「Kit Lung Yan」怒話：「你就自由，『手足』就食豉油。」「Pui Pui」就狠批羅三七自己走咗佢，但「手足」話監獄做監籠，「呢啲咪叫齊上齊落蒸茶×！」「Jennifer Wong」亦話：「佢(羅三七)只係為咗自己咋，唔好講到佢咁偉大，難為在監房的弟兄。」

## 網民諷「龜縮的人領龜縮獎」

對羅三七自詡「港人代表」，「Keith Chow」

就質疑道：「一個逃犯是(以)什麼身份代表香港？」「Ngan Kalvin」直言羅三七係「沒資格代表香港人的賣港和賣國賊」。

都有唔少人質疑個獎項主辦方都雙重標準。「Ken Ng」揶揄：「應該頒左(咗)比(界)美國『手足』先。」「李雅周」直指：「睇得出美國佬有幾虛偽！持雙重標準美化香港黑暴。」「Man Lam」就覺得個獎完全冇分量，並恭喜羅三七「龜縮的人領龜縮獎」。

■香港文匯報記者 鄭治祖

# 巫堃泰促查走私 想阻「手足」着草?

稱屯門「走私重鎮」求加強巡邏 鄭錦滿暗示該處係「合適路線」



攞炒派個話會幫「手足」搵逃生門，事實上就係要斷佢咗後路？話說早前涉嫌違反香港國安法或黑暴案件嘅「十二瞞逃」，係循水路潛逃離港時被內地海警截獲，令唔少原本打算着草嘅「手足」人心惶惶。平時成日話幫「手足」嘅屯門區議員巫堃泰，咁啱係呢個時候開記者會，話屯門近日已成為「走私重鎮」，所以要求海警加強水上巡邏，點知轉頭即刻俾「同路人」鬧佢食人血饅頭，淨係識靠賣「手足」博「政績」。咦，咩佢地對「手足」嘅「逃亡路線」咁清楚嘅？睇嚟有關部門應該做嘢咯。

■香港文匯報記者 鄭治祖

巫堃泰前日嗰記者會話，屯門附近嘅沙洲、龍鼓灘一帶海域同珠江三角洲、深圳相近，所以走私私貨品去屯門最方便，佢緊緊就要求海關、警方等政府部門組織聯合行動，打擊區內走私問題。

## 鄭錦滿：慎防黃色區議員

聽落巫堃泰好似有啲建樹嘅，但同屬攞炒派嘅「熱血公民」副主席鄭錦滿就係facebook發帖話，「手足」走水路着草真係好危險，因為唔止要避水警同內地公安，仲要慎防「黃色區議員」，事關巫堃泰要求海關加強巡查，真係隨時拉埋「手足」落水嘍。

佢又試圖理解巫堃泰嘅邏輯：「拉咗12個，再有『手足』敢走水路，所

以可以要求海關加強執法，係咪咁？」定係屯門大西北係『合適路線』，所以『聲東擊西』想老點執法部門去喇邊？你以為老幾？真係好×醒！」

巫堃泰事後就係同鄭錦滿隔空駁火，話自己身為一個大人，知道咩講得咩唔講得，又話對某人談及「手足」嘅離港路線感到可惜，因為自己個區有齊有海關、水警、海事處海路行動基地，「手足」嚟屯門海域走佬等於自殺嘍。

網民「King Leung」就話苦了「手足」：「明知咁多『泛民』『港獨』派嚟往台灣，台灣乃『逃亡海外』不二之選，竟然叫執法部門加強巡邏。叫得海關加強巡邏，水警難道依然坐視不理嗎？客觀效果就是連水警也會加強巡

邏，受苦最終都是『流亡義士』。」

「Will Long」就話：「『黃絲』區議員(員)成日諗要做大嘢當係『功績』，用來日後選舉，結果往往做多咗同over(超過)晒(晒)，應當唔管應理唔理，EGO(自我)無限大」「歐樹」就揶揄：「仲以為驚慌(警方)記者會，原來係『黃屍保長』」。

## 網民：攞炒派靠害唔係第一日

不過，「Ben Lai」就覺得鄭錦滿都唔好得去邊：「又叫人唔好講，其實你自己咪又係講，又害埋啲『手足』。」其實攞炒派害「手足」、食人血饅頭都係第一日嘅事嘍，點解「黃絲」仲要大驚小怪呢？



■鄭錦滿提醒想睇水着草嘅「手足」，除咗要小心水警外，仲要提防某啲「黃色」區議員。鄭錦滿fb截圖



其實啲「手足」究竟做錯咩事？5個「手足」潛逃台灣被扣兩個月冇人理，12個「手足」非法入境內地俾人拉，班攞炒派慌佢咗唔咗咗大炒特炒，一邊話12人蛇行蹤不明，一邊又列埋地址叫大家寄明信片去「送暖」。

攞炒派沙田區議員陳運通嗰日就係facebook貼咗啲明信片出嚟，驟眼睇成張溪錢咁，唔知班「手足」收到係心頭一暖，定心頭一寒呢？

■圖：陳運通fb截圖  
文：香港文匯報記者 鄭治祖



「佔中三丑」中的戴耀廷牽頭組織的攞炒派「初選」，涉嫌違反選舉條例。團體「維港之聲」代表昨日到廉政公署總部及選管會請願，要求徹查事件，以維護香港選舉的公平公正。

■香港文匯報記者

# 鴿黨大打輿論戰 玩「黑面白面」圖留低



鴿黨(民主黨)延任民調即將開展，呢幾日佢地都上晒咗咁大打輿論戰，包括整咗幾十萬份入屋單張俾宣傳佢地延任立法會嘅「好處」，仲擺咗「共同敵人」出嚟想「抗爭派」轉移攻擊目標。黨主席胡志偉同立法會議員尹兆堅就一個白面、一個黑面咁接受訪問，胡志偉話「大家都係抗爭派」、尹兆堅就話「撇離派輕率棄守」。有心水清嘅網民揶揄，最想佢地走嘅就係「抗爭派」，呢啲咪叫攞炒嘍。

傳統「飯民」今次嚟議會去留爭議上處於下風，一度話考慮總辭佢地，如今要千方百計說服同路人支持佢地延任。胡志偉同尹兆堅日前接受《獨立媒體》訪問，一個白面、一個黑面，胡志偉話雖然同「抗爭派」辯論咗咁多場都仲未講服對方，但大家絕對唔係敵人，因為「大家都係『抗爭派』」嘍。

尹兆堅就話，呢啲討論一直「聚錯焦」，仲挑機問「撇離派」係咪「之後都唔參與立法會」、「冇議會下可以做咩」，再揶揄班人之前咁落力「初選」，

噉家就「如夢初醒」嘍。

## 區諾軒暗諷「抗爭派」唔諗合作

前鴿黨區諾軒亦係facebook幫口，話睇電視劇都知道出現更強嘅敵人喇陣，都總有聯手嘅需要，又暗諷「抗爭派」「唔會諗合作、唔包容異見」，真係幫傳統「飯民」幫到出晒面。

除咗呢堆出口術，鴿黨早排嘅屋單張，就列咗一堆「共同敵人」出嚟，包括全國政協副主席梁振英同建制派立法會議員，話佢地「最想民主派走」嘍。不過，梁振英嗰日就係facebook話個單張嚴重誤導，強調自己最想「民主派」服從全國人大常委會嘅決定，留嚟議會繼續履行職責，真係一把車返落鴿黨面度。

## 網民嘲拉人條裙自己對腳

嘈咗咁耐，網民都愈嚟愈心水清，好似「龍世顯」就話：「嘩！咩叫拉人條裙自己對腳呢？『民主派』今次就示範過你睇喇！」「Max Lam」就話：「其實你地想留咗咩咩走咩走，咁樣我反而仲對你地有返些少尊重，依(啲)



■民主黨印刷大量宣傳單張，聲稱最想他們離開議會的是建制派。梁振英fb截圖

家又要扮騎馬劫「抗爭派」，又要話建制派先係你地敵人，好心啦，做到咁大肉酸！」

「YoungYeung」就話：「邊個最想你地走？咪『抗爭派』囉！」「Ting

Yeung」就話：「反正『抗爭派』都有得選，咪齊齊攞炒囉，反正你地話同佢地係一體囉，咁攞炒攞炒大家都好正常！」

■香港文匯報記者 鄭治祖

# 李傲然批黃碧雲不能為港人做事

香港文匯報訊(記者 杜思文)傳統反對派與「抗爭派」繼續就延任議會爭辯。民主黨立法會議員許智峯昨日在一網上論壇與油尖旺區議員李傲然辯論。李傲然稱「民主派」若留任，就會失去支持，又點名民主黨黃碧雲等不能為香港人做任何事，並即場追問「民主派」留任所得的薪酬會如何使用。許智峯沒有回應薪酬去向，反稱「民主派」議員坐在位上「也是抗爭」，並稱若自己留任會「抗爭到底」，「不知會再捉多少臭蛋」云云。

民主黨早前承諾，將根據本月的「民調」結果決定延任與否，許智峯在網上論壇上稱，如果攞炒派「總辭」，法案將會「瞬間通過」，依照「民調」的結果決定去留，是為了攞炒陣營的「團結」，而無論是「街頭」還是議會，都需要「戰士」，尤其現在「上街」變得愈來愈危險，更需有議員在議會內「抗爭」，這才是「Be Water」的含義，更聲言要在「抗爭」的同時，繼續佔領「道德高地」。

李傲然就反對留任，並引述「有街坊」指，身為政客要有清晰的表態，留在議會已經沒有意義，如果傳統「泛民」留任，他就不會再支持傳統「泛民」，又稱無法保證所有攞炒派都可以在議會「抗爭」，並點名黃碧雲等只是安靜坐在位上。

## 許智峯：坐着也是在「戰鬥」

許智峯就為黨友解畫，稱他們坐着也是在「戰鬥」，並稱一些「民主派」議員已經被DQ，顯示他們確實在「國際戰線」做了一些事。

李傲然又質疑攞炒派議員沒有講明議員薪酬將用於何處，又稱如自己在這個位置，一定會承諾將作為議員得到的「資源」，包括薪水，用來支持「公民社會」，但全體攞炒派議員沒有一個做出這樣的承諾。許智峯沒有對此回應。

## 高德禮扮「和事佬」籲各派團結

「香港民主促進會」成員高德禮(George Cauterley)亦參加了會議，許李二人辯論結束後，他就扮「和事佬」呼籲各派要團結，要注重對政策的討論，並坦言支持攞炒派議員留任，因為現有的議員都仍然是通過選舉產生的。

# 梁君彥：令議員回初心 來年最大挑戰

香港文匯報訊(記者 鄭治祖)立法會大會將於下月復會，惟攞炒派議員仍未決定會否延任。立法會主席梁君彥昨日在接受傳媒訪問時表示，他對延任問題感樂觀，認為當選的議員都希望服務市民，故他預計來年最大挑戰是令議員回到初心，及如何讓他們根據《議事規則》工作。

梁君彥在訪問中表示，行政長官林鄭月娥將在立法會復會首日宣讀新年度施政報告，而根據基本法第七十三條規定，立法會須聽取特首宣讀施政報告，希望議員能履行其憲制責任。

## 議員政治表態須按《議事規則》

他直言，目前議會「政治行頭」。雖然議員可藉議會的空間作政治表態，惟須按《議事規則》辦事，並形容目前香港的情況「低處未算低」，希望日後處理爭議不大的法案時，兩邊陣營的議員可各退一步，尋求合作的空間，而自己的辦公室「門口隨時開」，歡迎官員和議員找他討論法案。